



Schnitzelbängg 2017 vo de 99er Ungradi

Vom hoche Norde sind mir uf Därwil choh
Därwil isch wältbekannt hän mir vernoh
Dass meh änand d'Hand git weiss schiinbar nid jedes Chind
Defür wüsse mir dass die Gofe us Ettige sind
In Därwil sigs schön und meh het sini Rueh
Darum het die einzig Bar, dr Hürzi ständig zue
Därwiler chönne au über sich sälber lache
Dr Grund wieso meh duet s'Wappe falsch uf d'Blaggedä mache

I hör ein chlöne und au brüele
S'isch ein am Leuechreisel am umme wüehle
Är suecht und fluecht – ich weiss nid was das no git
Dr Hürzi findet sini Gäscht eifach nid

Tierquälerei finde mir nid guet
Dä Stier Munthero daufe, das brucht scho Muet
Dä Muni liedet es isch nid zum Lache
Wäg däm gschissene Name will er zum Mathys go Sälbschtmord mache

Im Summer het jedes Kind welle Pokemon sammle
Dä Trend isch vrbi, jetzt düend sie wieder vorem Färnseh umegammle
In Ettige het meh nid chönne sammle duet meh mungle
Die Pokémon hän schiinbar Angscht im Dungle

Z'Därwil jä sisch kai eifachs Brot
Wotsch do go z'Nacht ässe bisch grad chli in Not
In dr Spiescharte luege, dass muessi nid
Es isch jo eh klar dass nur Spaghetti* git

Dr Männerchor Därwil es lüpft mir dr Huet
Kei Ahnig wär döt Entscheidige fälle duet
E wirklich Gscheide cha das sicher nid si
Sit neuem geitscht döt e Ettiger dri

E Glatze, vill Schweiss und e Schnaps ufem Tisch
So seht dr Hess Beat us nachdem im Klubhuus lbroche worde isch
Doch s'Lache isch wieder zrug in si Gsichtli cho
„Gott sei Dangg“ seit dr Nohl Ruedi „hän si s'Bier nid gno“

10 Joor Ungradi es isch wohr mir dien jubilierä
Für e Mängge isch das Grund gnueg zum eskalierä
Mir wänd zum Schluss euch no e Weisheit uf dr Wäg gäh
„Chli stingge muess es“ und mir göhnd jetzt ein go näh

Witeri Menüvorschläg

- Lasagne
- Pizza
- Gnoggi
- Vitello Donnato
- Bruschette
- Bresaola
- Mortadella
- Salami
- Coppa
- Prosciutto
- Minestrone
- Pesto alla genovese
- Penne all'Arrabbiata
- Spaghetti Bolognese
- Spaghetti alla carbonara
- Spaghetti alle vongole
- Tagliatelle ai Funghi
- Risotto ai Gamberoni
- Calamari
- Arrosto di vitello
- Saltimbocca alla Romana
- Panna Cotta
- Tiramisu
- Amaretti
- Panettone
- Ciabatta
- Panini
- Focaccia
- Piadina

Ps: E Stange und e Röschi
Wär für uns scho s'Gröschi